

四庫全書

集部

欽定四庫全書

石倉歷代詩選卷九十

明 曹學佺 編

晚唐十七

鄭谷

字守愚
宜春人

京兆府試殘月如新月

榮落何相似初終却一般猶疑和夕照誰信墮朝寒水
木輝華別詩家比象難佳人應誤拜棲鳥反求安屈指

金匱要略卷九十一
期輪滿何心謂影殘庾樓清賞處吟徹曙鐘看

送進士盧啓東歸

灞岸草萋萋離觴我獨攜
流年俱老大失意又東西
曉楚山雲滿春吳水樹低
到家梅雨歇猶有子規啼

贈圓昉公

天階讓紫衣冷格鶴猶卑
道勝嫌名出身閒覺老遲晚
香延宿火寒磬度高枝
好說長松寺他年與我期

寄題方干處士

山雪照湖水漾舟湖畔歸松篁調遠籟臺榭發清輝野
岫分閒逕漁家並掩扉暮年詩力在析句更幽微

久不得張喬消息

天末去程孤沿淮復向吳亂離何處甚安穩到家無樹
盡雲垂野檣稀月滿湖傷心遠村落應少舊耕夫

題進士王駕郊居

前山微有雨永巷淨無塵牛卧籬陰晚鳩鳴村意春時
浮應寡合道在不嫌貧後徑臨陂水菰蒲是切隣

送進士許柳

泗上未休兵壺闕事可驚
流年催我老遠道念君行
殘雪臨晴水寒梅發故城
何當食新稻歲稔又時平

題莊嚴寺休公院

秋深庭色好紅葉間青松
病客殊無著吾師甚見容
疎鐘和細溜高塔等遙峰
未省求名侶頻于此地逢

潼關道中

白道曉霜迷離燈照馬嘶
秋風滿關樹殘月隔河雞
來

往非無倦窮通豈易齊何年歸故社披雨剪春畦

長安夜坐懷寄湖外嵇處士

萬里念江海浩然天地秋風高羣木落夜久數星流鐘
絕分宮漏螢微隔御溝遙思洞庭上葦露滴漁舟

送人之九江謁郡侯苗員外

澤國尋知己南浮不偶遊湓城分楚塞廬岳對江州曉
飯臨孤嶼春帆入亂流雙旌相望處月白庾公樓

張谷田舍

縣官清且儉深谷有人家一逕入寒竹小橋穿野花確
喧春澗滿梯倚綠桑斜自說年來稔前村酒可賒

寄南浦謫官

多才翻得罪天末抱窮憂白首為遷客青山遶萬州醉
欹梅障晚歌厭竹枝秋望闕懷鄉淚荆江水共流

李夷遇侍御久滯水鄉因抒寄懷

簪笏年何久懸帆興甚長江流愛吳越詩格邁齊梁竹
寺晴吟遠蘭舟晚泊香高閒徒自任華省侍為郎

送許棠先輩之官涇縣

白頭新作尉縣在古山中高第能卑位前賢尚此風
蕪湖春蕩漾梅雨晝溟濛佐理人安後篇章莫廢功

贈別

南遊曾共遊相別倍相留行色迴燈曉離聲滿竹秋
穩眠彭蠡浪好醉岳陽樓明日逢佳景為君成白頭

峨嵋山

萬仞白雲端經春雪未殘夏消江峽滿晴照蜀樓寒
造

境知僧熟歸林認鶴難會須朝闕去祇有畫圖看

旅寓落南村舍

村落清明近鞦韆穉女誇春陰妨柳絮月黑見梨花白
鳥窺魚網青帘認酒家幽棲雖自適交友在京華

揺落

夜來揺落悲桑棗半空枝故國無消息流年有亂離霜
秦聞雁早煙渭認帆遲日暮寒輦急邊軍在雍岐

郊野

蓼水菊籬邊新晴有亂蟬秋光終寂寞晚醉自留連野
濕禾中露村閒社後天題詩滿紅葉何必浣花牋

長安感興

徒勞悲喪亂自古戒繁華落日狐兔逕近年公相家可
悲聞玉笛不見走香車寂寞墻匡裏春陰挫杏花

哭進士李洞

自聞東蜀病惟我獨闕情若近長江死想君勝在生瘴
蒸丹旆濕燈隔素帷清塚樹僧栽後新蟬一兩聲

鷓鴣

暖戲煙蕪錦翼齊
品流應得近山雞
雨昏青草湖邊過
花落黃陵廟裏啼
遊子乍聞征袖濕
佳人纔唱翠眉低
相呼相應湘江濶
苦竹叢深春日西

少華甘露寺

石門蘿逕與天隣
雨檜風篁遠近聞
飲澗鹿喧雙派水
上樓僧踏一梯雲
孤煙薄暮闌城沒
遠色初晴渭曲分
長欲然香來此宿
北林猿鶴舊同羣

遊蜀

所向明知是暗投
兩行清淚語前流
雲橫新塞遮秦甸
花落空山入閬州
不分黃鸝驚曉夢
惟應杜宇信春愁
梅黃麥綠無歸處
可得漂漂愛浪遊

慈恩寺偶題

往事悠悠添浩歎
勞生擾擾竟何能
故山歲晚不歸去
高塔晴來獨自登
林下聽經秋苑鹿
江邊掃葉夕陽僧
吟餘却起雙峰念
曾看菴西瀑布冰

獻制誥楊舍人

爲郡東吳祇飲冰
瑣闥須降鳳書徵
隨行已有朱衣吏
伴直多招紫閣僧
窗下調琴鳴遠水
簾前睡鶴背秋燈
葦陂竹塢情無限
閒話毗陵問杜陵

漂泊

槿墜蓬疎池館清
日光風緒澹無情
鱸魚斫膾輸張翰
橘樹呼奴羨李衡
十口漂零猶寄食
兩川消息未休兵
黃花催促重陽酒
何處登高望二京

漾陂

昔事東流共不迴，春深獨向漾陂來。
亂前別業依稀在，雨裏梨花寂寞開。
却展漁絲無野艇，舊題詩句沒蒼苔。
潏然四顧難消遣，祇有佯狂泥酒杯。

蠟燭

仙漏遲遲出建章，宮簾不動透清光。
金闌露白新裁詔，畫閣春紅正試妝。
淚滴盃盤何所恨，燼飄蘭麝暗和香。
多情更有分明處，照得歌塵下燕梁。

次韻和秀上人長安寺居言懷寄渚宮禪者

舊齋松老別多年香社人稀喪亂間
出寺祇知趨內殿
閉門長似在深山
卧聽秦樹秋鐘斷
吟想荆江夕鳥還
惟恐興來飛錫去
老郎無路更追攀

蜀中二首

馬頭春向鹿頭關
遠樹平蕪一望閒
雪下文君沽酒市
雲藏李白讀書山
江樓客恨黃梅後
村落人歌紫芋間
堤月橋燈好時景
漢庭無事不征蠻

夜多無雨曉生塵草色嵐光日日新
蒙頂茶畦千點露浣花箋紙一溪春
揚雄宅在惟喬木杜甫臺荒絕舊隣
却共海棠花有約數年留滯不歸人

渚宮亂後作

鄉人來說亂離情淚滴殘陽問楚荆
白社已應無故老清江依舊遶空城
高秋軍旅齊山樹昔日漁家是野營
牢落故居灰燼後黃花紫蔓上牆生

九日偶懷寄左省張起居

令節爭歡我獨閒
荒臺盡日向晴山
渾無酒泛金英菊
謾道官趨玉笋班
深愧青莎迎野步
不堪紅葉照衰顏
羨君官重多吟興
醉帶南陂落照還

擢第後入蜀經羅利路見海棠盛開偶有題詠
上國休誇紅杏絕
深溪自照綠苔磯
一枝低帶流鶯睡
數片狂和舞蝶飛
堪恨路長移不得
可無人與畫將歸
手中已有新春桂
多謝煙香更入衣

次韻和禮部盧侍郎江上秋夕寓懷

盧郎到處覺風生
蜀郡留連亞相情
亂後江山悲庾信
夜來烟月屬袁宏
夢歸蘭省寒星動
吟向莎洲宿鷺鶩
未脫白衣頭
半白叨陪屬和倍為榮

寄獻湖州從叔員外

顧渚山邊郡
溪將菴畫通
遠看城郭裏
全在水雲中
西閣歸何晚
東吳興未窮
茶香紫笋露
洲迴白蘋風
歌緩眉低翠
杯明蠟剪紅
政成尋往事
輟棹問漁翁

西蜀淨衆寺松溪八韻兼寄小筆崔處士

松因溪得名溪吹答松聲繚繞能穿寺幽竒不在城寒
烟齋後散春雨夜中平染岸蒼苔古翹沙白鳥明澄分
僧影瘦光徹客心清帶梵侵雲響和鐘擊石鳴淡烹新
茗爽暖泛落花輕此景吟難盡憑君畫入京

雪中偶題

亂飄僧舍茶烟濕密灑高樓酒力微江上晚來堪畫處
漁人披得一蓑歸

淮上漁者

白頭波上白頭翁家逐船移浦浦風一尺鱸魚新釣得
兒孫吹火荻花中

興州江館

向蜀還秦計未成寒蛩一夜遶牀鳴愁眠不穩孤燈盡
坐聽嘉陵江水聲

淮上與友人別

楊子江頭楊柳春楊花愁殺渡江人數聲風笛離亭晚
君向瀟湘我向秦

貧女吟

塵壓鴛鴦廢錦機，滿頭空插麗春枝。
東隣舞妓多金翠，笑剪燈花學畫眉。

贈日東鑒禪師

故國無心渡海潮，老禪方丈倚中條。
夜深雨絕松堂靜，一點山螢照寂寥。

再經南陽

平蕪漠漠失樓臺，昔日遊人亂後來。
寥落牆匡春欲暮，

燒殘官樹有花開

別修覺寺無本上人

松上閒雲石上苔
自嫌歸去夕陽催
山門握手無他語
祇約今冬看雪來

席上貽歌者

花月樓臺近九衢
清歌一曲倒金壺
座中亦有江南客
莫向春風唱鷓鴣

定水寺行香

聽經看畫遠虛廊風拂金爐待賜香丞相未來春雪密
暫偷閒卧老僧牀

街西晚歸

御溝春水遠閒坊信馬歸來傍短牆幽榭名園臨紫陌
晚風時帶牡丹香

下峽

憶子啼猿繞樹哀雨隨孤棹過陽臺波頭未白人頭白
瞥見春風灩澦堆

和知己秋日傷懷

流水歌聲共不迴
去年天氣舊亭臺
梁塵寂寞燕歸去
黃蜀葵花一朵開

李洞

字才江
京兆人

贈唐山人

垂鬚長似髮
席帽見皆疑
醉眼青天小
吟情太華低
千年松遶屋
半夜雨連溪
叩蜀路無限
攜琴獨往時

鄭補闕山居

高節諫垣客白雲居靜坊馬飢餐落葉鶴病曬殘陽野
霽昏朝燭溪牋惹御香相招倚蒲壁論句夜何長

送沈光赴福幕

泉齊嶺鳥飛雨熱荔枝肥南斗看應近北人來恐稀潮
浮廉使宴珠照島僧歸幕下逢遷拜何官著茜衣

賦得送賈島謫長江

敲鑪吟雪月謫出國西門行傍長江影愁深汨水魂筇
攜過竹寺琴典在花村飢拾山松食誰知賈傅孫

送安撫從兄夷偶中丞

奉詔向軍前，朱袍映雪鮮。
河橋吹角凍，岳月卷旗圓。
僧救焚經火，人修著釣船。
六州安撫後，萬戶解衣眠。

維摩暢林居

諸方遊幾臘，五夏五峰銷。
越講迎騎象，蕃齋懺射鵬。
冷筇和雪倚，朽櫟帶雲燒。
從此西林老，瞥然三萬朝。

送張喬下第歸宣州

詩道世難容，歸舟楚浪重。
早看殘岳月，夜泊隔淮鐘。
一

鏡隨雙鬢全家老半峰無成來往過折盡謝亭松

古栢

手植知何代年齊偃蓋松結根生別樹吹子落隣峰古
榦經龍嗅高煙落雁衝可佳繁葉盡聲不礙秋鐘

弔草堂禪師

杖屨疑師在房闌四壁蛩貯餅經臘水響塔隔山鐘乳
鵲泐苔井齋猿散雪峰如何不相接倚徧寺前松

蕃寇侵逼南歸道中

雲陽三萬騎南赴疾飛鷹迴磧星低戍孤城月伴僧叩
闕通漢節傾府守河冰無處論邊事歸溪夜結罾

送東宮賈正字之蜀

南朝獻晉史東蜀瞰巴樓長棧懷宮樹疎峰露劒州半
空飛雪化一道白雲流若次江邊邑宗詩為徧搜

題薛少府莊

何須鑿井飲門占古溪居寂寞苔牀卧寒光玉柄書有
期登白閣仍得賞紅渠清淺蒲根水時看鷺啄魚

題劉相公光德里新構茅亭

野色迷亭曉
龍墀待押班
帶涎移海木
兼雪寫湖山
月白吟牀冷
河清直印閒
唐封三萬人
偃翠微間

越公上人洛中歸寄南孟家兄弟

洛下因歸去
關西憶二龍
笠漫河岸雪
衣著號城鐘
睡鴨浮寒水
樵人出遠峰
何當化閭俗
護取草堂松

送盧少府之任鞏洛

徙知東甸尉
銓注似恩除
帶土移蒿木
和泉送尹魚
印

牀閒鶯宿僻記醉僧書堂下諸昆在無妨候起居

送知已

郡清官舍冷枕席濺山泉藥氣來人外燈光到鶴邊夢
秦書印斗思越畫漁船擲笏南歸去波濤路幾千

送行脚僧

瓶枕信腰垂出門何所之毳衣霑雨重椽笠看山歌夜
觀入枯樹野眠逢斷碑隣房母淚下相課別離詞

題雲際寺

開門風雪頂上徹困飛禽猿戲青冥裏人行紫閣陰臘
泉冰下出夜磬月中尋盡欲居巖室如何不住心

送雲卿上人遊安南

春往海南邊秋聞半夜蟬鯨吞洗鉢水犀觸點燈船島
嶼分諸國星河共一天長安却回日松偃舊房前

送人歸覲河中

青門塚前別道路武關西有寺雲連石無僧葉滿谿河
長隨鳥盡山遠與人齊覲省波濤縣寒窗響曙雞

錦城秋寄懷弘播上人

極頂雲兼凍孤城露洗初
共辭嵩少雪久絕貝多書
遠照雁行細寒條欲挂虛
分泉煎月色憶就茗林居

賈島墓

一第人皆得先生豈不銷
位卑終蜀士詩絕占唐朝
旅塋新墳小魂歸故國遙
我來因奠灑立石用為標

贈曹郎中崇賢所居

閒坊宅枕穿宮水聽水分
衾蓋蜀繒藥杵聲中搥殘
夢

茶鐙影裏煮孤燈
刑曹樹蔭千年井
華岳樓開萬仞冰
詩句變風宮漸緊
夜濤春斷海邊藤

上司空員外

禪心高卧似疎慵
詩客經過不厭重
藤杖幾攜量磧雪
玉鞭曾把數嵩峰
夜眠古巷當城月
秋直清曹入省鐘
禹鑿故山歸未得
河聲闇老兩三松

春日隱居官舍感懷

風吹燒燼雜汀沙
還似青溪舊寄家
入戶竹生牀下葉

隔牕蓮謝鏡中花
苔房毳客論三學
雪嶺巢禽看兩衙
銷得人間無限事
江亭月白誦南華

華山

碧山長凍地長秋
日夕泉源聒華州
萬戶烟侵關令宅
四時雲在使君樓
風驅雷電臨河震
鶴引神仙出月遊
峰頂高眠靈藥熟
自無霜雪入人頭

病猿

瘦纏金鎖惹朱樓
一別巫山樹幾秋
寒想蜀門清露滴

暖懷湘岸白雲流
罷拋簷果沉僧井
休拗崖冰濺客舟
啼過三聲應有恨
畫堂深不徹王侯

東川高僕射

油幢影裏拜清風
十里貔貅一片雄
三印鎖開霜滿地
四門闕定月當空
泉浮山葉人家過
詔惹爐香鳥道通
新起畫樓攜客上
絃歌筵近石榴紅

送韋太尉自明維除廣陵

全蜀拜揚州
征東輟武侯
直來萬里月
旁到五峰秋
幢

冷遮高雪旗閒卓亂流謝朝明主喜登省舊官愁隔海
城通舶連河市響樓千官倚元老虛夢發雲遊

贈僧

不管王公與貴人惟將雲鶴自相親閒來石上觀流水
欲洗禪衣未有塵

懷圭峰影林泉

吾家舊物賈生傳入內遙分錫杖泉鶴去帝移宮女散
更堪嗚咽過樓前

繡嶺宮詞

春日遲遲春草綠
野棠開盡飄香玉
繡嶺宮前鶴髮翁
猶唱開元太平曲

張蟾

字象文
清河人

送縉雲尉

釋褐從仙尉之官
興若何去程惟水石
公署在雲蘿野
岸樓中迴晴峰
案上多三年罷趨
府應更戰高科

送友人歸武陵

聞近桃源住無村不是花
戍旗招海客廟鼓集江鴉
別島垂橙實閒田長荻芽
遊秦未得意看即更離家

逢漳州崔使君北歸

在郡多殊稱無人不望回
離城攜客去度嶺擔猿來
障寫經冬蕊瓶緘落暑梅
長安有敝宅歸見鎖青苔

次韻和友人冬日書齋

四季多花木窮冬亦不凋
薄冰行處斷殘火睡來消
象版簾書帙蠻藤絡酒瓢
公卿有知己時得一相招

贈別山友

從容無限意不獨為離羣
年長驚黃蝶時清厭白雲
舊山迴馬見寒瀑別家聞
相與存吾道窮通各自分

宿山驛

驛在千峰裏寒宵獨此身
古墳時見火荒里悄無隣
月白翻驚鳥雲間欲就人
祇應明日鬢更與老相親

薊北書事

度磧如經海茫然但見空
戍樓承落日沙塞擬驚蓬
暑

過燕僧出時平遠客通逢人皆上將惟有定邊功

送友人赴天台

九陌除書出尋僧問海城家從中路挈吏隔數州迎夜
蚌侵燈影春禽雜櫓聲開圖見異跡思上石橋行

和崔監丞春遊鄭僕射東園

春興隨花盡東園自養閒不離三畝地似八萬重山白
鳥穿蘿去清泉抵石還豈同秦代客無位隱商山

叢葦

叢叢寒水邊曾折打魚船忽與亭臺近翻嫌島嶼偏花
明無月夜聲急正秋天遙憶巴陵渡殘陽一望烟

途次績溪先寄陳明府

入境風烟好幽人不易傳新居多是客舊隱半成仙山
斷雲衝騎溪長柳拂船何當許過縣聞有篋中篇

弔孟浩然

每每樵家說孤墳亦夜吟若重生此世應更苦前心名
與襄陽遠詩同漢水深親栽鹿門樹猶蓋石牀陰

邊遊別友人

欲別不止淚當杯難強歌家貧隨日長身病涉寒多雨
雪迷燕路田園隔楚波良時未自致歸去欲如何

宴駙馬宅

牙香禁樂鎮相攜日日君恩降紫泥紅藥院深人半醉
綠楊門掩馬頻嘶座中古物多仙意壁上新詩有御題
別向庭蕪寔吟石不教宮妓踏成蹊

邊情

窮荒始得靜天驕又說天兵擬度遼聖主尚嫌蕃界近
將軍莫恨漢庭遙草枯雪野春難發冰結河源夏半銷
惆悵臨戎皆効國豈無人似霍嫖姚

別鄭仁表

春雷醉別鏡湖邊官顯才狂正少年紅燭滿汀歌舞散
美人迎上木蘭船

龜山寺晚望

四面湖光絕路歧鷗鵲飛起暮鐘時漁舟不用懸帆席

歸去來風插柳枝

敘懷

月裏路從何處上江邊身合幾時歸十年九陌寒風夜
夢掃蘆花絮客衣

題嘉陵驛

嘉陵路惡石和泥行到長亭日已西獨倚闌干正惆悵
海棠花裏鷓鴣啼

李建勲

隴西人

白雁

東溪一白雁毛羽何皎潔
薄暮浴清波斜陽共明滅
差池失羣久幽獨依人側
旅食賴菰蒲單棲怯霜雪
邊風昨夜起顧影空哀咽
不及牆上烏相將繞雙闕

早春寄懷

家山歸未得又是看春過
老覺光陰速閒悲世路多
風和吹岸柳雪盡見庭莎
欲向東溪醉狂眠一放歌

春中病

纔得歸間去還教病卧頻無由全勝意終是負青春綠
柳漸拂地黃鶯如喚人方為醫者勸斷酒已經旬

毆妓

自為專房甚匆匆有所傷當時心已悔徹夜手猶香恨
枕堆雲髻啼襟搵月黃起來猶恁惡剪破繡鴛鴦

踏青樽前

期君速行樂不要旋還家永日雖無雨東風自落花詩
毫粘酒淡歌袖向人斜薄暮忘歸路垂楊噪亂鴉

正月晦日

莫倦尋春去都無百日遊更堪正月過已是一分休
泉暖聲纔出雲寒勢未收晚來重作雪翻為杏花愁

柳花寄友人

每愛江城裏青春向盡時一迴新雨歇是處好風吹
破石粘蟲網高樓撲酒旗遙知陶令宅五樹正離披

夏日酬祥松二公見訪

多謝空門客時時出草堂從容非有約淡薄不相忘
池

映春篁老簷垂夏果香西風正清霽自與拂吟牀

溪齋

水木遶吾廬寧簾晚檻虛衰條寒露鵲幽果落驚魚愛
酒貧還甚趨時老更疎乖慵自有素不是忽簪裾

小園

小園吾所好栽植忘勞形晚果經秋赤寒蔬近社青竹
籬荒引蔓土井淺生萍更欲從人勸憑高置草亭

宿山房

石牕燈欲盡松檻月還明就枕渾無睡披衣却出行巖
高泉亂滴林動鳥時驚倏忽山鐘曙喧喧僕馬聲

送王郎中之官吉水

南望廬陵郡山連五嶺長吾君憐遠俗從事輟名郎移
戶多無土春蠶不滿筐惟應勞贊畫溪峒況彊梁

感故府

悒悒復悒悒思君安可及永日在堦前披衣隨風立高
樓暮角斷遠樹寒鴉集惆悵幾行書遺蹤墨猶濕

細雨遙懷故人

江雲未散東風暖
溟濛正在高樓見
細柳緣堤少過人
平蕪隔水時飛燕
我有近詩誰與和
憶君狂醉愁難破
昨夜南牕不得眠
閒堦點滴迎燈坐

春水

萬派爭流雨過時
晚來春靜更逶迤
輕鷗散遠夫差國
遠樹微分夏禹祠
青岸漸平濡柳葉
舊溪應暖負蓴絲
風鬟倚櫂誰家子
愁看鴛鴦望所之

鍾山寺避暑勉二三子

樓臺雖小景何深
滿地青苔勝布金
松影晚留僧共坐
水聲閒與客同尋
清涼會擬歸蓮社
沉湎終須棄竹林
長愛寄吟經案上
石牕秋霽向千岑

題魏壇

一尋遺跡到仙鄉
雲鶴沉沉思渺茫
丹井歲深生草木
芝田春廢卧牛羊
雨淋殘畫摧荒壁
鼠引飢蛇落壞梁
薄暮欲歸仍佇立
菖蒲風起水泱泱

落花

落花無計奈花殘，獨遶芳叢不忍看。
暖艷動隨鶯翅落，冷香愁雜燕泥乾。
綠珠倚檻魂初散，巫峽歸雲夢又闌。
忍把一樽重命樂，送春招客亦何歡。

寺居陸處士相訪感懷却寄二三友人

湘寺閒居亦半年，昨宵無語好潸然。
人歸遠岫疎鐘後，雪打高山古屋前。
投足正逢他國亂，冥心未解祖師禪。
爐烟回冷孤燈下，惟有寒吟到曙天。

登昇元閣

登高始覺太虛寬
白雪須知唱和難
雲渡瑣牕金榜濕
月移朱箔水精寒
九天星象簾前見
六代城池直下觀
惟有上層人未到
金烏飛過拂闌干

宮詞

自遠凝旒守上陽
舞衣頓減舊朝香
簾垂粉閣春將盡
門掩梨花日漸長
草色深濃封輦路
水聲低咽轉宮牆
君王一去不迴駕
皓齒青蛾空斷腸

歲暮晚泊望廬山不見因懷岳僧呈察判

貪程只為看廬阜及到停舟恨頗濃
雲閣半空藏萬仞雪迷雙瀑在中峰
林端莫辨曾遊路鳥際微聞向暮鐘
長愧昔年招我入共尋香社見芙蓉

春詞

日高閒步下堂階細草春莎沒繡鞋
折得玫瑰花一朵憑君簪向鳳凰釵

獨夜吟

佳人一去無消息夢覺香殘愁復入空庭悄悄月如霜
獨倚闌干伴花立

竹


瓊節高吹宿鳳枝風流交我立忘歸最憐瑟瑟斜陽下
花影相和滿客衣

清明日

他皆攜酒尋芳去我獨闌門好靜眠惟有楊花似相覓
因風時復到牀前

宮詞

宮門長閉舞衣閒
畧識君王鬢便斑
却羨落花春不管
御溝流得到人間



石倉歷代詩選卷九十

欽定四庫全書

集部

石倉歷代詩選卷九十二

詳校官庶吉士臣范逢恩

侍讀臣孫球覆勘

總校官進士臣朱鈐

校對官中書臣孫球

謄錄監生臣張永浙

欽定四庫全書

石倉歷代詩選卷九十一

明 曹學佺 編

晚唐十八

李咸用

仕至推官
有抄沙集

關山月

離離天際雲皎皎關山月羌笛一聲來白盡征人髮嘹
唳孤鴻高蕭索悲風發雪壓塞塵清鵬落沙場闊何當

胡無人荷戈朝鳳闕

雞鳴曲

海樹相扶烏影翹戴紅拍翠聲嘒嘒鴛瓦凍危金距趨
誇紅鬪氣爭相高漏殘雨急風蕭蕭患亂忠臣欺寶刀
霜濃月薄星昭昭太平才子能歌謠山翁夢斷出衡茅
谷口霧中飢虎號離人枕上心忉忉

江南曲

江南四月薰風低江南女兒芳步齊晚雲接水共渺瀰

遠沙疊草空萋萋白苧不堪論古意數花猶可醉前溪
孤舟有客歸未得鄉夢欲成山鳥啼

煌煌京洛行

長安近甸巡遊徧洛陽尋有黃龍見千乘萬騎如雷轉
差差清蹕祥煙卷百司舊分當玉殿太平官屬無遺彥
歌鐘沸激香塵散晨旗隱隱羅軒冕周公舊跡生紅蘚
灩澦波光春照晚但聽嵩山萬歲聲將軍旗鼓何時偃

緋桃花歌

上帝春官思麗絕天桃變態來新悅便是花中傾國客
牡丹露泣長門月野樹滴殘龍戰血曦車碾下朝霞屑
惆悵東風未解狂爭教比物芳草歇

塘上行

橫塘日澹秋雲隔浪纖輕颺羅幕幕紅綃撒水蕩舟人
畫樓摻摻柔莢白鯉魚虛擲無消息花老蓮疎愁未摘
却把金釵打綠荷懊惱露珠穿不得

長歌行

要衣須破束欲炙須解牛當年不快意徒為他人留百
歲之約何悠悠華髮星星稀滿頭蛾眉螭首聊我仇圓
紅闕白令人愁何不夕引清奏朝翠樓逢花便折遇勝
遊鼓腕騰棍晴雷收舞腰困裊垂楊柔象筋擊碎歌勿
休玉山未倒非風流眼前有物俱是夢莫將身作黃金
醵

遠公亭牡丹

雁門禪客吟春亭牡丹獨逞花中英雙成膩臉偎雲屏

百般姿態因風生延年不敢歌傾城朝雲暮雨愁娉婷
藥繁蟻脚粘不行甜迷蜂醉飛無聲廬山根脚含精靈
發妍吐秀叢君庭湓江太守多閒情闌朱遠絳留輕盈
潺潺綠醴當風傾平頭奴子啾銀笙紅葩艷艷交童星
左文右武憐君榮白銅鞮上慚清明

秋夕

寥廓秋雲薄空庭月影微樹寒棲鳥密砌冷夜蛩稀曉
角軍容肅疎鐘客夢歸吟餘何所憶聖主尚宵衣

邊城聽角

戍樓鳴畫角寒露滴金槍細引雲成陣高催雁著行喚
迴邊將夢吹薄曉蟾光未遂終軍志何勞思故鄉

寄楚瓊上人

遙知無事日靜對五峰秋鳥隔寒煙語泉和夕照流凭
闌疎磬盡瞑目遠雲收幾度超人句風高白雪浮

遊寺

無家身自在時得到蓮宮秋覺暑衣薄老知塵世空幽

情憐水石野性似萍蓬是處堪閒坐與僧行住同

春日

浩蕩東風裏徘徊無所親危城三面水古樹一邊春
哀世難修道花時不稱貧滔滔天下者何處問通津

送從兄坤載

悲淚不敢下恐兄情更傷別離當亂世骨肉在他鄉
語盡意不盡路長愁更長那堪回首處殘照落衣裳

秋日訪同人

忽憶金蘭友攜琴去自由遠尋寒澗碧深入亂山秋見
後却無語別來長獨愁幸逢三五夕露坐對冥搜

送錢契明尊師歸廬山

瘦倚青竹杖爐峰指欲歸霜粘行日屨風暖到時衣凭
檻雲還在攀松鶴不飛何曾有別恨楊柳自依依

贈任肅

白髮休相待青雲有路岐莫言多事日虛擲少年時松
色寒中出人情難後知聖朝公道在中鵠勿差池

送曹稅

摻袂向春風何時約再逢若教相見密肯恨別離重芳
草漁家路殘陽水寺鐘落帆當此處吟興不應慵

贈來鵬

默坐非關悶凝情祇在詩庭閒花落後山靜月明時答
客言多簡尋僧步稍遲既同和氏璧終有玉人知

登樓值雨

江徼多佳景秋吟興未窮送來松檻雨半是蓼花風猛

浪驚翹鷺昏煙叫斷鴻不知今夜客幾處卧寒空

送趙舒處士歸廬山

歸岫香爐碧行吟步益遲諸侯師不得樵客偶相隨思
舊江雲斷談玄岳月移祇應張野輩異代作心知

冬夕喜友生至

天涯行欲徧此夜故人情鄉國別來久干戈還未平燈
殘偏有焰雪甚却無聲多少新聞見應須語到明

寄嵩陽隱者

昔年江上別初入亂離中我住匡山北君之少室東
信來經險道詩半憶皇風何事猶高卧巖邊夢未通

和脩睦上人聽猿

禪客聞猶苦是聲應是啼自然無穩夢何必到巴溪
疎雨灑不歇迴風吹暫低此宵秋欲半山在二林西

秋興

木葉亂飛盡故人猶未還心雖遊紫闕時合在青山
近寺僧隣靜臨池鶴對閒兵戈如未息名位莫相關

秋日疾中寄諸同志

閒居無勝事公幹卧來身門靜秋風晚人稀古巷深花
疎籬菊色葉減井梧陰賴有斯文在時時得共尋

題陳正字山居

怪來忘祿位習學近瀟湘見處雲山好吟中歲月長花
光籠晚雨樹影浸寒塘幾日憑欄望歸心自頽頽

江行

瀟湘無事後征棹復嘔啞高岫留斜照歸鴻背落霞魚

殘沙岸草蝶寄湫流槎共說干戈苦汀洲減釣家

酬鄭進士九江新居見寄

躡屐扣柴關因成盡日閒獨聽黃鳥語深似白雲間萍
沼寬於井莎城綠當山前期招我作此景得吟還

訪友人不遇

出門無至友動即到君家空掩一庭竹去看何寺花短
僮應捧杖樺子學擎茶吟罷留題處苔階日影斜

小雪

散漫陰風裏天涯不可收
壓松猶未得撲石暫能留
閣靜縈吟思途長拂旅愁
崆峒山北面早想玉成丘

和人遊東林

一從張野卧雲林勝槩誰人更解尋
黃鳥不能言往事白蓮虛發至如今
年年上國榮華夢世世高流水石心
始欲共君重悵望紫霄峰外日西沉

自君之出矣

自君之出矣鸞鏡空塵生
思君如明月明月逐君行

早行

北吹微微動旅情不堪分手在平明
寒雞不待東方曙喚起征人踏月行

鄭巢

泊靈溪館

孤吟疎雨絕荒館亂峰前曉鷺棲危石
秋萍滿敗船溜從華頂落樹與赤城連
已有求閒意來期在暮年

題崔中丞北齋

湖近草侵庭秋來宦況清寒潮添井味遠漏帶松聲放
卷聽泉坐尋僧踏雪行何年各無事高論宿青城

送象上人還山中

竹錫與袈裟靈山滿夕霞泉痕生淨蘚燒力落寒花高
戶閒聽雪空牕靜擣茶終期宿華頂迢遞說三巴

送魏校書赴夏口從事

西風吹遠蟬驛路在雲邊獨夢諸山外高吟二水前夜
燈分楚塞秋角滿湘船郡邑多巖竇何妨便學仙

寄貞法師

巡禮知難盡幽人見亦稀幾年潭上過寧待雪中歸
遠瀑穿經室寒螢發定衣無因尋道者獨坐對松扉

哭虛海上人

一化西風外禪流派稍分買碑行暮雨斲石葬寒雲
靜戶關松色荒齋聚鳥羣朗吟聲不倦高傳有遺文

送韋弁

挂席曙鐘初家山半在吳榜聲過遠寺江色潤秋蕪
陂

鶴巢城木邊鴻宿岸蘆知君當永夜獨自入菱湖

送袁肇歸山陰

論文意有違寒雨灑行衣南渡久誰語東山今獨歸河
帆因樹落沙鳥背潮飛若值雲門侶多應宿翠微

送僧歸富春

憶過僧禪處遙山抱竹門古房闌蘚色秋逕掃潮痕石
淨聞泉落沙寒見鶴翻終當從此望更與道人言

送人赴舉

篇章動玉京
墜葉滿遙程
舊國與僧別
秋江罷釣行
馬過隋代寺
檣出楚山城
應近嵩陽宿
潛聞瀑布聲

秋思

寒蛩鳴不定
郭外水雲幽
南浦雁來日
北牕人卧秋
病身多在遠
生計少於愁
薄暮西風急
清砧響隔樓

秋日陪姚郎中登郡中南亭

雲水生寒色
高亭發遠心
雁來疎角韻
槐落減秋陰
隔石嘗茶坐
當山抱瑟吟
久知瀟灑意
不似有朝簪

贈蠻僧

南海何年過中林一磬微病逢秋雨發心逐暮潮歸久
卧前朝寺猶逢故國衣近來慵步履石蘚遶柴扉

楚城秋夕

故苑多愁夕西風落葉黃寒江侵霧月曉角滿城霜弟
姪來書少關河去路長幾時停桂楫故國隔瀟湘

瀑布寺貞上人院

林疎多暮蟬師宿北山烟古壁燈薰畫秋琴雨潤絃竹

間窺遠鶴瀑上取寒泉西嶽沙房住歸期更幾年

送靈溪李侍郎

貂裘離闕下初佐漢元勲河偃流漸疊沙晴遠樹分牛羊歸暮靄鼓角調寒雲中夕蕭關宿邊聲不可聞

宿天竺寺

暮過潭上寺獨宿白雲間鐘磬遙連樹星河半隔山石中泉閣落松外戶初闌却憶終南裏前秋此夕還

送省空上人歸南嶽

言歸衡嶽寺舊院樹冥冥坐石縫孤衲尋龕補壞經
嶠雲籠曙磬潭卉著秋瓶誰伴高牕宿禪衣挂草亭

送琇上人

古殿焚香外清羸坐石稜茶烟開瓦雪鶴迹上潭冰
孤磬侵雲動靈山隔水登白雲歸意遠舊寺在廬陵

送人南遊

南京路悄然欹石漱流泉遠寺寒雲外揚帆暑雨前
雁行迴曉岫蜃色上湖田更想清吟處多同隱者眠

題崔行先石室別墅

山空水遶籬幾日此棲遲採菊頻秋醉留僧擬夜碁桂
陰生野菌石縫結寒澌更喜連幽洞惟君與我知

送李式

瀟湘路杳然清興起秋前去寺多隨磬看山半在船綠
雲天外鶴紅樹雨中蟬莫使遊華頂逍遙更過年

陳氏園林

當門三四峰高興幾人同尋鶴新泉外留僧古木中蟬

鳴槐葉雨魚散芰荷風多喜陪幽賞清吟遶石叢

送邊使

關河度幾重邊色上離容灞水方為別沙場又入冬曙
鷗迴大旆夜雪沒前峰漢使多長策須令遠國從

和姚郎中題凝公院

石房寒竹連白晝坐冥然片衲何山至空堂幾夜禪葉
侵經上字冰結硯中泉雪夕誰同話懸燈古像前

送姚郎中罷郡遊越

逍遙方罷郡高興接東甌幾處行杉逕何時宿石樓潮
聲穿古竇華影在空舟惆悵雲門路無因得從遊

送衡州薛從事

吟去望雙旌滄洲晚氣清遙分高岳色遞出遠蟬聲楚
霧雲連寺湘寒浪拍城孤猿不可聽白髮應時生

王周

泊姑孰口

杳杳金陵路難禁欲斷魂雨晴山有態風晚水無痕遠

色千檣岸愁聲一笛村如何遣懷抱詩畢自開樽

富池口

扁舟閒引望望極更盤桓山密礙江曲雨多饒地寒短
莎烟冉冉驚浪雪漫漫欲寫愁何限鄉關在一端

題廳壁

永日無他念孤清吏隱心竹聲并雪碎溪色共烟深數
息閒凭几緣情默寄琴誰知同寂寞相與結知音

西山晚景和

一片殘陽景朦朧淡月中蘭芽紆嫩紫梨頰抹生紅琴
阮資清格冠簪養素風烟霄半知己吏隱少相同

早春西園

引步攜筇竹西園小逕通雪敲梅蒂綠春入杏梢紅靜
意崖穿溜孤愁笛破空如何將此景收拾向圖中

采桑女

采桑知蠶飢投梭惜夜遲誰誇羅綺叢新畫學月眉

渡溪

渡溪溪水急水濺羅衣濕日暮猶未歸盈盈水邊立

霞

拂拂生殘暉層層如裂緋天風剪成片疑作仙人衣

巴江

巴江江色一帶濃藍碧仙女瑟瑟衣風梭晚來織

湖口驛

柴桑分色載圖經屈曲山光展畫屏最是蘆洲東北望
人家殘照隔烟汀

宿疎陂驛

秋染棠梨葉半紅
荊州東望草平空
誰知孤宦天涯意
微雨瀟瀟古驛中

再經秭歸

總角曾隨上峽船
尋思如夢可淒然
夜深孤館重來宿
枕底灘聲似舊年

巫山公署壁有無名山戲書二韻

南陵直上路盤盤
平地凌雲勢萬端
堪笑巴民猶不厭

更嫌山少畫來看

會噲岑山人

渝州江畔忽相逢說隱西山最上峰
畧坐移時又分別
片雲孤鶴一枝筇

夔州病中

隱几經旬疾未痊寒燈孤驛若為眠
郡樓昨夜西風急
一一更籌到枕前

無題二首

冰雪肌膚力不勝
落花飛絮遶風亭
不知何事鞦韆下
感破愁眉兩點青

梨花如雪已相迷
更被鶯烏半夜啼
簾卷玉樓人寂寂
一鉤新月未沉西

道中未開木杏花

粉英香萼有千般
無限行人立馬看
村女浴蠶桑柘綠
枉將顏色忍春寒

大石嶺驛梅花

仙中姑射接瑤姬成陣清香擁路岐半出驛牆誰畫得
雪英相倚兩三枝

和杜運使巴峽地暖節物與中土異黯然有感
垂柳參差破綠芽此中依約欲飛花春光處處傷離別
何況歸期未有涯

于鄴

西還

不繫與舟閒悠悠吳楚間羞將新白髮却到舊青山一

葉初飛樹幾人同入關長安家尚在秋至又西還

東門路

東門車馬路此路在浮沉白日若不落紅塵應更深從
來名利計惟見寵辱驚所以青青草年年生漢陰

客中

楚人歌竹枝遊子淚沾衣異國久為客寒宵方夢歸一
封書未返千樹葉齊飛南過洞庭水更應消息稀

孤雲

南北各萬里有雲心更閒因風離海上伴月到人間洛
浦少高樹長安無舊山徘徊不可駐漠漠更東還

夜與故人別

白日去難駐故人非舊容今宵一別後何處復相逢過
楚水千里到秦山幾重語來天又曉月落滿城鐘

南遊

窮秋幾日雨處處生蒼苔舊國寄書後涼天方雁來露
繁山草濕洲暖水花開去盡同行客一帆猶未回

洛陽道

浮世若浮雲千回故復新
旋添青草塚更有白頭人
歲暮客將老雲晴山欲春
行行車與馬不盡洛陽塵

題華山麻處士

貴賤各擾擾皆逢朝市間
到此鳥無跡始知君獨閒
冰破聽敷水雪晴看華山
西牕寂寞處而我坐忘還

書懷

長安多路岐西去欲何依
浮世只如此舊山長憶歸
自

離京國久應已故人稀好與孤雲住孤雲無是非

遠水

悔作望南浦望中生遠愁因知人易老為有水東流欲
附故鄉信不逢歸客舟萋萋兩岸草又度一年秋

贈隱者

石室掃無塵人寰與此分飛來南浦樹半是華山雲浮
世幾多事平生俱不聞寒川滿西日空照雁成羣

山上樹

日暖山上路鳥啼知已春忽逢幽隱處如見獨醒人石
冷開常晚風多落亦頻樵夫應不識歲久伐為薪

路旁草

春至始青青香車碾已平不知山下穩來遶路旁生每
歲有人去何時無馬行應隨塵與土吹滿洛陽城

江樓春望

樓下長江路舟車晝不閒鳥聲非故國春色是他山一
望雲復水幾重河與闕愁心隨落日萬里各西還

秋夕聞雁

星漢欲沉盡誰家砧未休忽聞涼雁至如報桂陵秋
千樹又黃葉幾人新白頭洞庭今夜客一半却登舟

夜泊湘江

北風吹楚樹此地獨先秋何事屈原恨不隨湘水流
涼天生半月竟夕伴孤舟一作南行客無成空白頭

感情

青山長寂寞南望獨高歌四海故人盡九原新塚多西

沉浮世日東注逝川波不使年華駐此生看幾何

春雨函谷

幾度作遊客客行長苦辛愁看函谷路老盡布衣人歲
遠關猶困時移草亦春何當名利息遣此絕征輪

寄友人

長安清渭東遊子迹重重此去紅塵路難尋君馬蹤昔
時輕一別漸老貴相逢應戀嵩陽佳嵩山有古松

尋僧不過

數歇度烟水漸非塵俗間
泉聲入秋寺月色徧寒山
石路幾回雪竹房猶閉闕
不知雙樹客何處與雲閒

天南憶故人

獨行千里塵軋軋轉征輪
一別已多日總看成老人
洞庭雪不下故國草應春
二月烟波暖南風生綠蘋

南遊有感

杜陵無厚業不得駐車輪
重到曾遊處多非舊主人
東風千嶺樹西日一洲蘋
好度湘江水湘江水復春

詠蟬

江頭一聲起芳歲已難留聽此高林上遙知故國秋應
催風落葉似勸客迴舟不是新蟬苦年年自有愁

題長春宮

莫問古宮名古宮空有城惟應東去水不改舊時聲

高樓

遠天明月出照此誰家樓上有羅衣色涼風吹不休

伍喬

冬日道中

去去天涯無定期，瘦童羸馬共依依。
暮烟江口客來絕，寒葉嶺頭人住稀。
帶雪野風吹旅思，入雲山火照行衣。
釣臺吟閣滄洲在，應為初心未得歸。

僻居秋思寄友人

門巷秋歸更寂寥，雨餘閒砌委蘭苗。
夢迴月夜蟲吟壁，病起茅齋藥滿瓢。
澤國舊遊關遠思，竹林前會負佳招。
身名未立猶辛苦，何許流年晚髮凋。

寄落星史虛白處士

白雲峰下古溪頭曾與提壺爛熳遊
登閣共看彭蠡水圍爐相憶杜陵秋
暮玄不厭通高品句妙多容隔歲酬
別後相思時一望暮山空碧水空流

僻居酬友人

僻居雖愛近林泉幽逕閒居碧蘚連
向竹掩扉隨鶴息就溪安石學僧禪
古琴帶月音聲亮山果經霜氣味全
多謝故交憐朴野隔雲時復寄佳篇

遊西山龍泉禪寺

疊巘層峰坐可觀，枕門流水更潺湲。
曉鐘聲徹洞溪遠，夏木影籠軒檻寒。
幽逕乍尋衣屨潤，古堂頻宿夢魂安。
因嗟城郭營營事，不得長遊空鬢殘。

宿潛山

一八仙山萬慮寬，夜深寧厭倚虛欄。
鶴和雲影宿高水，人帶月光登古壇。
芝朮露濃溪塢白，薜蘿風起殿廊寒。
更陪羽客論真理，不覺初鐘叩曉殘。

九江旅夜寄山中故人

弱柳風高遠漏沉坐來難便息愁吟江城雪盡寒猶在
客舍燈孤夜正深塵土積年粘旅服闕山無處寄歸心
此時遙羨閒眠侶靜掩雲扉卧一林

遊西禪

遠岫當軒列翠光高僧一衲萬緣忘碧松影裏地長潤
白藕花中水亦香雲自雨前生淨石鶴于鐘後宿長廊
遊人戀此吟終日盛暑樓臺早有涼

寄史處士

長羨閒居一水湄，吟情高古有誰知。
石樓待月橫琴久，漁浦經風下釣遲。
僻塢落花多掩徑，舊山殘燒幾侵籬。
松門別後無消息，早晚重應躡屐隨。

劉蕡

送文英大師

屈指平陽別社蓮，蟾光一百度曾圓。
孤雲自在知何處，薄宦參差亦信緣。
山郡披風方穆若，花時分袂更淒然。

搖鞭相送嘉陵岸
回首羣峰隔翠烟

春怨

繡林紅岸落花鈿
故去新來感自然
絕塞杪春悲漢月
長林深夜泣湘絃
錦書雁斷應難寄
菱鏡鸞孤貌可憐
獨倚畫屏人不曾
夢魂纔到戍樓邊

秋夕書事

搖落江天萬木空
雁行斜戛塞垣風
征閨搗月離愁遠
舊館眠雲旅夢通
郢客豈能陪下里
臯禽爭肯戀樊籠

此心曠蕩誰相許盡在南華十卷中

晚樓寓懷

薄暮疎林宿鳥還倚樓垂袂復憑欄月沉江底珠輪淨
雲鎖峰頭玉葉寒劉毅暫貧雖壯志馮唐將老自低顏
無言獨對秋風立擬把朝簪換釣竿

貴遊

繡衣公子宴池塘淑景融融萬卉芳珠翠照天春未老
管絃臨水日初長風飄柳線金成穗雨洗梨花玉有香

醉後不能離綺席擬憑青帝繫斜陽

中春宴遊

二月風光似洞天紅英翠萼簇芳筵
楚王雲雨迷巫峽江令文章媚蜀箋
歌黛久顰春岫斂舞衣新繡曉霞鮮
酒闌香袂初分散笑指漁翁立暮煙

登樓寓望

憑高多是偶沈瀾紅葉何期客思殘
萬疊雲山供遠恨一軒風物送秋寒
背琴鶴客歸松逕橫笛牛童卧蓼灘

獨倚郡樓無限意夕陽西下水漫漫

夢歸故園二首

桐葉飛霜落井欄菱花藏雪忍相看
夜牕颯颯搖風竹
秋枕迢迢夢故山
臨水釣舟橫葦岸
隔溪禪侶啟柴關
覺來依舊三更月
離緒鄉心起萬端

舊館秋寒一夢長
水簾疎影入迴塘
宦情率爾拖漁艇
客恨依然在燕梁
白鷺獨飄山面雪
紅蕖全謝鏡中霜
起來不語無人會
醉倚東軒半夕陽

玉燭花

裊裊香英三四枝
亭亭紅艷照堦墀
正當晚檻初開處
恰似春闌就試時
少女不吹方熠燿
東君偏惜未離披
夜深斜倚朱欄外
擬把隣光借與誰

春晚閒望

東風滿地有梨花
祇把琴心殢酒家
立處晚樓橫短笛
望中春草接平沙
雁行斷續晴天遠
燕翼參差翠幕斜
歸計未成頭欲白
釣舟煙浪思無涯

寄酬滑州文秀大師

分飛屈指十三年
菡萏峰頭別社蓮
薄宦偶然來左蜀
孤雲何事在南燕
一封瑤簡音初達
兩處金沙色共圓
珍重湯休惠佳句
郡齋吟久不成眠

送二郎君歸長安

我兒辭去淚雙流
蜀郡秦川兩處愁
紅葉滿山歸故國
黃茅偏地往他州
荷衣曉挂慙官吏
菱鏡秋窺訝鬢絲
好向雲泉營舊隱
莫教莊叟畏犧牛



登郡樓書懷

偶奉綸書蒞旭川郡樓嘉致盡依然松歌鳥道雲藏寺
月滿漁舟水浸天望帝古祠花簇簇錦城歸路草芊芊
有時倚檻垂雙袂故國風光似眼前

郡樓閒望書懷

郡城樓閣遶江濱風物清秋入望頻銅鼓祭龍雲塞廟
蘆花飄市雪粘人蓮披淨沼羣香散鷺點寒煙玉片新
歸去杜陵池館在且將朝服拂埃塵

郡齋寓興

依約樊川似旭川
郡齋風物盡蕭然
秋庭碧蘚鋪雲錦
晚閣紅蕖簇水仙
醉筆語狂揮粉壁
歌梁塵亂拂花鈿
情懷放蕩無羈束
地角天涯亦信緣

春宵

春雲春日共朦朧
滿院梨花半夜風
宿酒未醒珠箔卷
艷歌初闕玉樓空
五湖范蠡才堪重
六印蘇秦道不同
再取素琴聊假寐
南柯靈夢莫相通

春遊

柳成金穗草如茵
載酒尋花共賞春
自入醉鄉君莫問
十年風景在三秦

春夜

薄薄春雲籠皓月
杏花滿地堆香雪
醉垂羅袂倚朱欄
小數玉仙歌未闕

石倉歷代詩選卷九十一

欽定四庫全書

石倉歷代詩選卷九十二

明 曹學佺 編

晚唐十九

李中

潯陽人有
碧雲集

寒江暮泊寄左偃

維舟蘆荻岸離恨若為寬
煙火人家遠汀洲暮雨寒
天涯孤夢去蓬底一燈殘
不是憑騷雅相思寫亦難

喜春雨有寄

青春終日雨公子莫思晴任阻西園會且觀南畝耕最
憐滋壟麥不恨濕林鶯父老應相賀豐年兆已成

魏夫人壇

仙壇遺跡在苔合落花明絳節何年返白雲終日生旋
新芳草色依舊偃松聲欲問希夷事音塵隔上清

訪蔡文慶處士留題

幽人棲息處一到滌塵心蘚色花陰潤棊聲竹迳深籬

根眠野鹿池面戲江禽多謝相留宿開樽拂素琴

書小齋壁

其誰肯見尋冷澹少知音塵土侵閒榻烟波隔故林竹
風醒晚醉牕月伴秋吟道在惟求已明時豈陸沉

姑蘇懷古

闔閭興霸日繁盛復風流歌舞一宵夢烟波千古愁樵
人歸野逕漁笛起扁舟觸目牽傷感將行又駐留

春日途中作

干祿超名者迢迢別故林春風短亭路芳草異鄉心
雨過江山出鶯啼村落深未知將雅道何處謝知音

宿山店書懷寄東林令圖上人

一宿山前店旅情安可窮猿聲鄉夢後月影竹牕中
南楚征途濶東吳舊業空虎溪蓮社客應笑此飄蓬

訪龍光智謙上人

忽起尋師興穿雲不覺勞相留看山雪盡日論風騷
竹影搖禪榻茶烟上毳袍夢魂曾去否舊國阻波濤

賦得江邊草

岸春芳草合幾處思纏綿向暮江籬雨初晴杜若烟靜
宜幽鶯立遠稱碧波連送別王孫處萋萋南浦邊

江行夜泊

扁舟倦行役寂寂宿江干半夜風雷過一天星斗寒潮
平鷺觜沒霜苦雁聲殘漁父何疎逸扣船歌未闌

舟中望九華山

排空蒼翠異輟棹看崔嵬一面雨初歇九華雲正開當

時思水石便欲上樓臺此去心難遂空吟憶重來

寄劉鈞秀才

閉戶當春晝知君志在詩閒花半落處幽客未來時野
鳥穿花逕江雲過竹籬會須明月夜與子水邊期

秋日途中

竹林已蕭索客思不勝秋舊業吳江外新蟬楚驛頭遙
天疎雨過列岫亂雲收今夕誰家宿孤吟月色愁

書蔡隱士壁

病後霜髭出衡門寂寞中蠹侵書帙損塵覆酒樽空池
暗菰蒲雨逕香蘭蕙風幽閒已得趣未許卜窮通

訪徐長史留題水閣

君家池閣靜一到且淹留坐聽蒹葭雨如看島嶼秋杯
盤深有興吟笑迴忘憂更愛幽竒處雙雙下野鷗

鷗瀾

流品是鴛鴦翻飛雲水鄉風高離極浦烟暝下方塘比
鷺行藏別穿荷羽翼香雙雙浴輕浪誰見在瀟湘

贈朐山楊宰

訟閒徵賦畢吏散卷簾時聽雨入秋竹留僧覆舊棋得
詩書落葉煮茗汲寒池化俗功成後烟霄會有期

得故人消息

多難分離久相思每淚垂夢歸殘月曉信到落花時未
必乖良會何當有後期那堪樓上望烟水接天涯

春宴寄從弟德潤

相思禁烟近樓上動吟魂水國春寒在人家暮雨昏朱

橋通竹樹杳逕匝蘭蓀安得吾宗會高歌醉一樽

秋雨

飄灑當窮巷苔深落葉鋪送寒來客館滴露入庭梧逼
砌蛩聲斷侵牕竹影孤遙思漁叟興蓑笠在江湖

贈海上觀音院文依上人

煙霞海邊寺高卧出門慵白日少來客清風生古松虛
窗從燕入壞屐任苔封幾度陪師話相留到暮鐘

送人南還

浪迹天涯去南荒必動情
草青虞帝廟雲暗夜郎城
越鳥驚鄉夢蠻風解宿醒
早思歸故里華髮等閒生

寄廬山莊隱士

烟籬擁竹闕物外自求安
逼枕溪聲近當簷嶽色寒
藥苗應自採琴調對誰彈
待了浮名後依君一挂冠

旅夜聞笛

長笛起誰家秋涼夜漏餘
一聲來枕上孤客在天涯
木末風微動牕前月漸斜
暗牽詩思苦不獨落梅花

送紹明上人之毗陵

忽起毗陵念飄然不可留
聽蟬離古寺攜錫上扁舟
月出沙汀冷風高葦岸秋
回期端的否千里思悠悠

贈蒯亮處士

著得新書義更幽
負琴何處不遨遊
玄宮寄宿月華冷
羽客伴吟松韻秋
滿戶烟霞思紫閣
一帆風雨憶滄洲
吾君側席求賢切
未可懸瓢枕碧流

送廬阜僧歸山陽

山陽舊社終經夢容易言歸不可留
瓶貯瀑泉離五老
錫搖江雨上孤舟
魚行細浪分沙嘴
雁逆高風下葦洲
遙想枚臯宅邊寺不知涼月共誰遊

寄左偃

蕭條陋巷綠苔侵何事君心似我心
貧戶嬾開元愛靜
病身纔起便思吟
閒留好鳥庭柯密
暗養鳴蛩砌草深
況是清朝重文物無愁當道少知音

竹

森森移得自山莊
植向空庭野興長
便有好風來枕簟
更無閒夢到瀟湘
廕來砌蘚經疎雨
引下溪禽帶夕陽
閒約羽人同賞處
安排碁局就清涼

贈譙明上人

雖寄上都眠竹寺
逸情終憶白雲端
閒登鍾阜林泉晚
夢去沃洲風雨寒
新試茶經煎却好
舊嬰詩病捨終難
常聞秋夕多無寐
月在高臺獨凭欄

贈朐山孫明府

縣庭無事似山齋
滿砌青青旋長苔
閒撫素琴曹吏散
自烹新茗海僧來
買將病鶴勞心養
移得閒花用意栽
幾度訪君留我醉
麝香偏值酒新開

海城秋夕寄懷舍弟

烏棲庭樹夜悠悠
枕上誰知淚暗流
千里夢魂勞舊業
一城砧杵搥殘秋
牕寒寂寂燈猶在
簾外瀟瀟雨未休
早晚萊衣同著去
免悲流落在邊州

和夏侯秀才春日見寄

縣蠻黃鳥不堪聽觸目離愁怕酒醒雲散碧山當夕檻
雨催青蘚匝春庭尋芳懶向桃花塢垂釣空思杜若汀
晝夢不成吟有興揮毫書在枕邊屏

題吉水縣廳前新栽小松

斷開冰澗蘚苔連移得孤根植砌前影小未遮官舍月
翠濃猶帶舊山烟羣花解笑香寧久衆木雖高節未堅
輸我婆娑欄檻內晚風蕭颯學幽泉

吉水縣依韻酬華松秀才見寄

官況蕭條在水村吏歸無事好論文枕欹獨聽殘春雨
夢去空尋五老雲竹逕每憐和蘚步禽聲偏愛隔花聞
詩情冷淡知音少獨喜江臯得見君

思湓渚舊居

昔歲曾居湓水頭草堂吟嘯興何幽迎僧常踏竹間蘚
愛月獨登溪上樓寒翠入簷嵐岫曉夜聲縈枕野泉秋
從居官路無由到昨夜分明夢去遊

送孫霽書記赴壽陽辟命

辟命羨君行其如愴別情酒闌汀樹晚帆展野風生淮
靜寒烟斂村遙夜火明醉沉胸嶺夢吟達壽春城舊友
搖鞭接元戎掃榻迎雪晴蓮幕啟雲散桂山橫王粲從
軍畫陳琳草檄名知君提健筆重振此嘉聲

途中作

翠色晴來近長亭路去遙無人折烟縷落日拂溪橋

子規

暮春滴血一聲聲花落年年不忍聽帶月莫啼江畔樹

酒醒遊子在離亭

溪邊吟

鷗鷖雙飛下碧流
蓼花蘋葉正含秋
茜裙二八採蓮女
笑衝微雨上蘭舟

憶溪居

竹軒臨水靜無塵
別後鳬鷺入夢頻
杜若菰蒲烟雨歇
一溪春色屬何人

登下蔡縣樓

長淮烟水又含秋
吏散時時獨上樓
信斷蘭臺鄉國遠
依稀王粲在荊州

村行

極目青青隴麥齊
野塘波濶下鳬鷺
陽烏景暖林桑密
獨立閒聽戴勝啼

宿韋校書幽居

溪上高眠與鶴閒
開樽留我待禪關
園林月白秋霖歇
一夜泉聲似故山

蛩

月冷莎庭夜已深
百蟲聲外有清音
詩情正苦無眠處
愧爾階前相伴吟

感秋書事

世途憔悴雪生頭
身計相牽未得休
紅蓼白蘋消息斷
舊溪烟月負漁舟

泊秋浦

葦岸風高宿雁驚
維舟特地起鄉情
漁兒隔水吹橫笛

半夜空江月正明

思朐陽春遊感舊寄柴司徒

南陌風和舞蝶狂
惜春公子戀斜陽
高歌飲罷將迴轡
衣上花蕪百草香

放鷺鷥

池塘多謝久淹留
長得霜翎放自由
好去蒹葭深處宿
月明應認舊江秋

劉乂

作詩

作詩無知音作不如不作未逢賡載人此道終寂寞有
虞今已歿來者誰為託明詠豁心胸筆與淚俱落

長城

嬴氏設防敵烝沙築冤壘蒙恬取勲名豈算生民死運
畚力不禁碎身砂磧裏黔黎欲半空長城春未已皇天
潛鼓怒力化一女子遂使萬雉崩不盡數行淚

古塞下

百戰已休兵寒雲愁未歇血染長城沙馬踏征人骨早
得用蛾眉免陷邊戍卒始知髦頭星不在彎弓沒

傷彩飾

朝見亦光彩暮見亦光彩一旦風雨飄十分無一在爾
形才似削爾貌不如昨本為不凡姿誰教染丹腹虛飾
片時間紛紛委花落

寄遠

遊子雖惜別一去何時見飛鳥猶戀巢萬里亦何遠妾

願化為霜日日下河梁若能侵髮色先染薄情郎

金谷園

積金累作山山高誰堪擬栽花比綠珠花落還相似可
歎絕世容不能樓上死

織婦吟

少為貧家女晨妝無膏沐螭首徒能事機杼與之作歌
舞片時間黃金翻袖取祇看舞者樂豈念織者苦感此
嘗憶古人言一婦不織天下寒

思婦吟

秋風雁又歸邊信一何早攬衣出門望落葉滿長道一
從秉箕箒十載孤懷抱可堪日日醉繁華不說思君令
人老

獨飲

盡欲調太羹自古無好手所以山中人兀兀但飲酒

劉滄

鄴都懷古

昔時霸業何蕭索古木惟多鳥雀聲芳草自生宮殿處
牧童誰識帝王城殘春楊柳長川迴落日蒹葭遠水平
一望青山便惆悵西陵無主月空明

秋夕山齋即事

衡門無事閉蒼苔籬下蕭疎野菊開半夜秋風江色動
滿山寒葉雨聲來雁飛闕塞霜初落書寄鄉間人未迴
獨坐高牕此時節一彈瑤瑟自成哀

江行書事

遠渚蒹葭覆綠苔。姑蘇南望思徘徊。空江獨樹楚山背。
暮雨一舟吳苑來。人度深秋風葉落。鳥飛殘照水烟開。
寒潮欲上汎蘋藻。寄薦三閭情自哀。

秋日寓懷

海上生涯一釣舟。偶因名利事淹留。旅塗誰見客青眼。
故國幾多人白頭。霽色滿川明水驛。蟬聲落日隱城樓。
如何未盡此行役。西入潼關雲樹秋。

江城晚望

金匱山房詩集 卷九十二
一望江城思有餘，遙分野迳入樵漁。
青山經雨菊花盡，白鳥下灘蘆葉疎。
靜聽潮聲寒木杪，遠看風色暮帆舒。
秋期又涉潼關路，不得年年向北居。

宿蒼溪館

孤館門開對碧岑，竹牕燈下聽猿吟。
巴山夜雨別離夢，秦塞舊山迢遞心。
滿地莓苔生近水，幾株楊柳自成陰。
空思知己隔雲嶺，鄉路獨歸春草深。

留別復本修古二上人

二遠相知是昔年
此身長寄禮香烟
綠蕪風晚水邊寺
清磬月高林下禪
臺殿虛牕山翠入
梧桐疎葉露光懸
西峰話別又須去
長日關山在馬前

邊思

漢將邊方背轆轤
受降城北是單于
黃河晚凍雪風急
野火遠燒山木枯
偷號甲兵衝塞色
銜枚戰馬踏寒蕪
蛾眉一沒空留怨
青塚月明啼夜烏

入關留別主人

此來多愧食魚心東閣將辭更一吟
尺馬客程秋草合萬蟬闌樹古槐深
風生野渡河聲急雁過寒原嶽勢侵
對酒相看自無語幾多離思入瑤琴

宿天壇觀

沐髮清齋宿洞宮桂花松韻滿巖風
紫霞曉色秋山霽碧落寒光夜月空
華表鶴聲天外迴蓬萊仙界海門通
冥心一悟虛無理寂寞玄珠象罔中

煬帝行宮

此地曾經翠輦過浮雲流水竟如何香銷南國美人盡
怨入東風芳草多殘柳宮前空露葉夕陽江上浩烟波
行人遙起廣陵思古渡月明聞棹歌

秋日山寺懷友人

蕭寺樓臺對夕陰淡烟疎磬散空林風生寒渚白蘋動
霜落秋山黃葉深雲盡獨看晴塞雁月明遙聽遠村砧
相思不見又經歲坐向松牕彈玉琴

八月十五夜翫月

中秋朗月靜天河烏鵲南飛客恨多寒色滿牕明枕簟
清光凝露拂烟蘿桂枝斜漢流靈魄蘋葉微風動細波
此夜空亭聞木落蒹葭霜磧雁初過

懷汶陽兄弟

回看雲嶺思茫茫幾處關河隔汶陽書信經年鄉國遠
弟兄無力海田荒天高霜月砧聲苦風滿寒林落葉黃
終日路岐歸未得秋來空羨雁成行

題天宮寺閣

丹闕侵霄壯復危排空霞影動簷扉城連伊水禹門近
烟隔上陽宮樹微天斂暮雲殘雨歇路穿春草一僧歸
此來閒望更何有無限清風生客衣

懷江南友人

久絕音書隔塞塵路岐誰與子相親愁中獨坐秦城夜
別後幾經吳苑春湘岸風來吹綠綺海門潮上沒青蘋
空勞兩地望明月多感斷蓬千里身

題敬亭山廟

森森古木列巖隈迴壓寒原霽色開雲雨只從山上起
風雷多向廟中來三江入海聲長在雙鶴啼天影未迴
花落空庭春晝晚石牀松殿滿青苔

經麻姑山

麻姑此地鍊神丹寂寞烟霞古竈殘一自仙娥歸碧落
幾年春雨洗紅蘭帆飛震澤秋江遠雨過陵陽晚樹寒
山頂白雲千萬片時聞驚鶴下仙壇

題馬太尉華山莊

別開池館背山陰，近得幽奇物外心。
竹色拂雲連嶽寺，泉聲帶雨出谿林。
一庭楊柳春光暖，三逕烟蘿晚翠深。
自是功成閒劍履，西齋長卧對瑤琴。

題巫山廟

十二嵐峰挂夕暉，廟門深閉鎖烟微。
天高木落楚人思，山迴月殘神女歸。
觸石晴雲凝翠鬢，度江寒雨濕羅衣。
嬋娟似恨襄王夢，猿叫斷巖秋蘚稀。

旅館書懷

秋看庭樹換風烟兄弟飄零寄海邊客計倦行分陝路
家貧休種汶陽田雲低遠塞鳴寒雁雨歇空山噪暮蟬
落葉蟲絲滿牕戶秋堂獨坐思悠然

洛陽月夜書懷

疎柳高槐古巷通月明西照上陽宮一聲邊雁塞門雪
幾處遠砧河漢風獨榻閒眠移嶽影寒牕幽思度烟空
孤吟此夕驚秋晚落葉殘花樹色中

江行夜泊

白浪連空極渺漫孤舟此夜泊中灘
岳陽秋霽寺鐘遠
渡口月明漁火殘綠綺韻高湘女怨
青葭色映水禽寒
鄉遙楚國生歸思欲曙山光上木蘭

贈顓頊山人

浩氣含真玉片輝著書精義入玄微
洛陽紫陌幾曾醉
少室白雲時一歸松雪月高惟鶴宿
烟嵐秋霽到人稀
知君濟世有長策莫問滄浪隱釣磯

秋日登醴泉縣樓

閒上高樓時一望綠蕪寒野靜中分人行直路入秦樹
雁叫斜陽背塞雲渭水自流汀島色漢陵空長石苔紋
秋風高柳出危葉獨聽蟬聲日欲曛

春日旅遊

玄髮辭家事遠遊春風歸雁一聲愁花開忽憶故山樹
月上自登臨水樓浩浩晴源人獨去依依春草水分流
秦川楚塞烟波隔怨別路歧何日休

匡城尋薛閔秀才不遇

音容一別近三年
往事空思意浩然
足馬風塵何處客
孤城楊柳晚來蟬
路長草色秋山綠
川濶晴光遠水連
不見故人勞夢寐
獨吟風月過南燕

寄遠

西園楊柳暗驚秋
寶瑟朱絃結遠愁
霜落雁聲來紫塞
月明人夢在青樓
蕙心迢遞湘雲暮
蘭思縈迴楚水流
錦字織成添別恨
關河萬里路悠悠

下第東歸途中書事

峽路誰知倦此情往年多是半年程孤吟洛苑逢春盡
幾向秦城見月明高柳斷烟侵嶽影古隄斜日背灘聲
東歸海上有餘業牢落田園荒草平

經無可舊居兼傷賈島

塵室寒牕我獨看別來人事幾凋殘
畫空蕭寺一僧去雪滿巴山孤客寒
落葉墮巢禽自出蒼苔封砌竹成竿
碧雲迢遞長江遠向夕苦吟歸思難

洛神怨

子建東歸恨思長飄飄神女步池塘雲鬟高動水宮影
珠翠乍搖沙露光心寄碧沉空婉孌夢殘春色自悠揚
停車綺陌傍楊柳片月青樓落未央

題四皓廟

石壁蒼苔翠靄濃驅車商洛想遺踪天高猿叫向山月
露下鶴聲來廟松葉墮陰巖疎薜荔池經秋雨老芙蓉
雪髯仙侶何深隱千古寂寥雲水重

望未央宮

西上秦原見未央
山嵐川色晚蒼蒼
雲樓欲動入清渭
鴛瓦如飛出綠楊
舞席歌塵空歲月
宮花春草滿池塘
香風吹落天人語
綵鳳五雲朝漢皇

秋日過昭陵

寢廟徒悲劍與冠
翠華龍馭杳漫漫
原分山勢入空塞
地匝松陰出晚寒
上界鼎成雲縹緲
西陵舞罷淚闌干
那堪獨立斜陽裏
碧落秋光烟樹殘

宿題金山寺

一點青山翠色危
雲巖不掩與星期
海門烟樹潮歸後
江面山樓月照時
獨鶴唳空秋露下
高僧入定夜猿知
蕭疎水木清鐘梵
灝氣寒光動石池

題鄭中丞東谿

一境新開雉堞西
綠苔微逕露淒淒
高軒夜靜竹聲遠
曲岸春深楊柳低
山霽月明常此醉
草芳花暗省曾迷
即隨鳳詔歸清列
幾憶風花夢小谿

江樓月夜聞笛

南浦蒹葭疎雨後寂寥橫笛怨江樓思飄明月浪花白
聲入碧雲楓葉秋河漢夜深孤雁度瀟湘水濶二妃愁
髮寒衣濕曲初罷露色河光生釣舟

罷美原尉上座主尚書

自憐生計事悠悠浩渺滄浪一釣舟千里夢歸清洛近
三年官罷杜陵秋山連絕塞渾無色水到平沙幾處流
白露黃花歲時晚不堪霜鬢眼前愁

雨後遊南門寺

郭南山寺雨初晴上界尋僧竹裏行半壁樓臺秋月過
一川烟水夕陽平苔封石室雲含潤露滴松枝鶴有聲
木葉蕭蕭動歸思西風畫角漢東城

春晚旅次有懷

晚出關河綠野平依依雲樹動鄉情殘春花盡黃鶯語
遠客愁多白髮生野水亂流臨古驛斷烟凝處近孤城
東西未遂歸田計海上青山久廢耕

與重幽上人話舊

雲飛天末水空流省與師同別異州庭樹蟬聲初入夏
石牀苔色幾經秋燈微靜室生鄉思月上嚴城話旅遊
自喜他年接巾舄滄浪地近虎溪頭

咸陽懷古

經過此地無窮事一望淒然感廢興渭水故都秦二世
咸原秋草漢諸陵天空絕塞聞邊雁葉盡孤村見夜燈
風景蒼蒼多少恨寒山半出白雲層

送李休秀才歸嶺中

南汎孤舟景自饒
蒹葭汀浦晚蕭蕭
秋風漢水旅愁起
寒木楚山歸思遙
獨夜猿聲和落葉
晴江月色帶回潮
故園新過重陽節
黃菊滿籬應未凋

寓居寄友人

雨餘虛館竹陰清
獨坐書窻軫旅情
芳草衡門無馬跡
古槐深巷有蟬聲
夕陽雲盡嵩峰出
遠岸烟消洛水平
今夜南原賞佳景
月高風定苦吟生

經曲阜城

行經闕里自堪傷
曾歎東流逝水長
蘿蔓幾凋荒隴樹
莓苔多處古宮牆
三千弟子標青史
萬代先生號素王
蕭索風高洙泗上
秋山明月夜蒼蒼

汶陽客舍

年光自感益蹉跎
岐路東西竟若何
窗外雨來山色近
海邊秋至雁聲多
思鄉每讀登樓賦
對月空吟叩角歌
迢遞舊山伊水畔
破齋荒逕閉烟蘿

留別崔澣秀才昆仲

汶陽離思水無窮
去住情深夢寐中
歲晚蟲吟寒露草
日西蟬噪古槐風
川分遠岳秋光靜
雲盡遙天霽色空
對酒不能傷此別
赤書憑雁往來通

和友人憶洞庭舊居

客舍經時益苦吟
洞庭猶憶在前林
青山殘月有歸夢
碧落片雲生遠心
溪路烟開江月出
草堂門掩海濤深
因君話舊起愁思
隔水數聲何處砧

晚歸山居

寥落霜空木葉稀初行郊野思依依
秋深頻憶故鄉事
日暮獨尋荒逕歸山影暗隨雲水動
鐘聲潛入遠烟微
娟娟惟有西林月不惜清光照竹扉

章孝標

上太皇先生

顥氣貫精神蒼崖老姓名烟霞空送景
水木苦無情
斷藥雲根斷眠花石面平折松開月色
決水放秋聲
顏為忘憂嫩身緣絕粒輕露凝鐘乳
冷風定玉簫清坐覺衣

蒙古行疑羽翼生應憐市朝客開眼鑱浮榮

贈茅山高拾遺蔓

人皆貪利祿白首更營營若見無為理兼忘不朽名幽禽窺食下好藥入籬生夢覺巖泉滴應疑禁漏聲

次韻和光祿錢卿

大隱嚴城內閒門向水開
扇風知暑退樹影覺秋來
望遠雲生海行稀砌長苔
廢興千古事何必歎池灰

送進士陳曉往睦州謁馮郎中

孤帆幾日程投刺水邊城倚棹逢春老登筵見月生
飲酣杯有浪棊散漏無聲太守憐才者從容禮不輕

豐城劒池即事

神物不復見小池空在茲因嫌衝斗夜未是偃戈時
岸古魚藏穴蒲凋翠立危吾皇別有劒奚必鑄金為

送無相禪師入關

九衢車馬塵不染苦空人鬢捨中峰雪應看內殿春
齋心無外事定力見前身聖主方崇教深宜謁紫宸

贈匡山道者

嘗聞一粒功足以返衰容方寸如不達此生安可逢
寄書時態盡憶語道情濃爭得攜巾屨同歸鳥外峰

思越州山水寄朱慶餘

窻戶潮頭雪雲霞鏡裏天島桐秋送雨江艇暮搖烟
藕折蓮芽脆茶挑茗眼鮮還將歐冶劍更淬若耶泉

方山寺松下泉

石脈綻寒先松根歆曉霜注瓶雲母滑漱齒茯苓香
野

客偷煎茗山僧惜淨牀三禪不要問孤月在中央

瀑布

秋河溢長空天灑方丈布深雷隱雲根孤電掛崑樹蒼
冥曉敲寒碧落晴溢素非趨下流急勢使不得住

歸海上舊居

鄉路繞蒹葭縈紆出海涯人衣披蜃氣馬跡印鹽花草
沒題詩石潮推坐釣槎還歸舊窻裏凝思向餘霞

長安秋夜

田家無五行水旱卜蛙聲牛犢垂春放兒童候暖耕池
塘烟未起桑柘雨初晴歲晚香醪熟村村自送迎

破山水屏風

時人嫌古畫倚壁不曾收雨滴膠山斷風吹絹海秋殘
雲飛屋裏片水落牀頭尚勝凡花鳥君能補綴休

和顧校書新穿井

霜鋪破桐陰青絲試淺深月輪開地脈鏡面寫天心碧
甃花千片香泉乳百尋欲知爭汲引聽取轆轤音

織綾詞

去年蠶惡綾帛貴官急無絲織紅淚殘經脆緯不通梭
鵲鳳闌珊失頭尾今年蠶好縹白絲烏鮮花活人不知
瑤臺雪裏鶴張翅禁苑風前梅折枝不學隣家婦慵懶
蠟揩粉拭謾官眼

蜀中上王尚書

梓桐花幕碧雲浮天許文星寄上頭武畧劒峰環相府
詩情錦浪浴仙州丁香風裏飛牋草邛竹烟中動酒鉤

自古名高閒不得肯容王粲賦登樓

古行宮

瓦煙疎冷古行宮寂寞朱門反鎖空殘粉水銀流砌下
墮環秋月落泥中鶯傳舊語嬌春日花學嚴妝妬曉風
天子時清不巡幸祇應鸞鳳集梧桐

送張使君赴饒州

饒陽因富得州名不獨農桑別有營日暖提筐依茗樹
天陰把酒入銀坑江寒魚動槍旗影山晚雲和鼓角聲

太守能詩兼愛靜西樓見月幾篇成

送金可紀歸新羅

登唐科第詎唐音望日初生憶故林
鮫室夜眠陰火冷蜃樓朝泊曉霞深
天高一葉飛魚背潮淨三山出島心
想把文章合夷樂蟠桃花裏醉人參

聞角

邊秋畫角怨金微半夜橫吹動賊圍
塞雁遶空秋不下寒雲著草凍還飛
關頭老馬嘶看月磧裏疲兵淚濕衣

餘韻嫋空何處盡
戍天寥落曉星稀

貽美人

諸侯帳下慣新妝
皆怯劉家薄媚娘
寶髻巧梳金翡翠
羅裙宜著繡鴛鴦
輕輕舞汗初沾袖
細細歌聲欲遠梁
何事不歸巫峽去
故來塵世斷人腸

柘枝

柘枝初出鼓聲招
花鈿羅衫聳細腰
移步錦靴空綽約
迎風繡帽動飄飄
亞身踏節鸞形轉
背面羞人鳳影嬌

祇恐相公看未足便隨風雨上青霄

少年行

平明小獵出中軍異國名香滿袖薰
畫楹倒懸鸚鵡背花衫對舞鳳凰文
手擡白馬嘶春雪雪臂竦青骹入暮雲
落日吳姬樓上飲風吹簫管滿樓聞

蜀中贈廣上人

曾持麈尾引金根萬乘前頭草五言
疏講青龍歸禁苑歌抄白雪乞梨園
朝驚雲起遮天閣暮踏猿聲入劍門

今日西川無子美詩風重起浣花村

贈杭州嚴使君

州青縣白湔河漬飽向蒼龍闕下聞鼓角自嚴寒海月
旌旗不動濕江雲風騷處處文章主井邑家家父母君
長恐抱轅留不住九天鴛鴦待成羣

駱谷行

捫雲裊棧入青冥韉馬鈴騾傍日星仰踏劒稜梯萬仞
下緣冰岫結千齡山花織錦時聊看澗水彈琴不暇聽

若比爭名求利處尋思此路却安寧

贈陸鬯浙西進詩除官

帝城雲物得陽春水國烟花失主人
昨日天風吹樂府六宮絲管一時新

飢鷹詞

遙想平原兔正肥十迴礪吻振毛衣
縱令啄解絲條結未得人呼又散飛

夢鄉

家住吳王舊苑東
屋頭山水勝屏風
尋常夢在秋江上
釣艇浮揚藕葉中

諸葛武侯廟

木牛零落陣圖殘
山老燒錢古柏寒
威畧縱擒何處在
茅花榭葉蓋神壇



石倉歷代詩選卷九十二